

eventualnom profesionalnom oboljenju ili invalidnosti, kao i druge eventualne napomene od značaja.

Član 20.

(Dostavljanje izvještaja o povredi na radu i profesionalnom oboljenju)

- (1) Poslodavac će dostaviti izvještaj o povredi na radu koja se dogodi i profesionalnom oboljenju koje nastane na radnom mjestu, radniku koji je pretrpio povredu, odnosno kod kojeg je nastalo oboljenje, nadležnom zavodu zdravstvenog osiguranja kod kojeg je radnik zdravstveno osiguran, kao i nadležnoj inspekciji rada, u roku od sedam dana od dana pretrpljene povrede odnosno nastanka oboljenja.
- (2) Izvještaj iz stava (1) ovog člana podnosi se na obrascu čiji sadržaj i način podnošenja propisan Pravilnikom o sadržaju i načinu podnošenja izvještaja o povredi na radu i profesionalnoj bolesti ("Službene novine Kantona Sarajevo", broj 9/23).

Član 21.

(Obaveza obavještanja inspekcije rada)

- (1) O svakom smrtnom slučaju, težoj povredi na radu, profesionalnom oboljenju i svakoj pojavi koja bi mogla ugroziti život ili zdravlje radnika na radu Poslodavac će odmah obavijestiti Kantonalnu upravu za inspekcijske poslove - Inspektorat rada, zaštite na radu i socijalne zaštite.
- (2) Za svaku povredu na radu Poslodavac je dužan na uviđaj pozvati neposrednog rukovodioca povrijeđenog radnika.

POGLAVLJE VI - PRIJELAZNE I ZAVRŠNE ODREDBE

Član 22.

(Primjena propisa)

Na sva pitanja koja nisu regulisana odredbama ovog pravilnika, primjenjuju se važeći propisi koji se odnose na zaštitu na radu.

Član 23.

(Izmjene i dopune pravilnika)

Poslodavac će pristupiti izmjenama i dopunama Akta o procjeni rizika i ovog pravilnika u slučajevima propisanim Zakonom o zaštiti na radu i Pravilima o procjeni rizika.

Član 24.

(Stupanje na snagu)

Ovaj pravilnik stupa na snagu osmog dana od dana objavljivanja u "Službenim novinama Kantona Sarajevo".

Broj 03-02-31971/24

02. septembra 2024. godine

Sarajevo

Ministrica

Darja Softić Kadenić, s. r.

Ministarstvo privrede Kantona Sarajevo

Na osnovu člana 70. stav (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), tačke 1. Zaključka Vlade Kantona Sarajevo, broj 02-04-43961-47.1/22 od 27.10.2022. godine, ministar Ministarstva privrede Kantona Sarajevo, donosi

ODLUKU

Član 1.

Daje se saglasnost Javnoj ustanovi "Centar za napredne tehnologije u Sarajevu" za odlazak rukovodioca ove Javne ustanove na službeni put u Istanbul i Ankaru, Republika Turska, u periodu od 08.09.2024. godine do 13.09.2024.

godine, radi uspostavljanja poslovne saradnje, identifikacije i razvoja novih poslovnih prilika, te unapređenja tehnoloških kapaciteta.

Član 2.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 07-04-14-41012/24

05. septembra 2024. godine

Sarajevo

Ministar

Zlatko Mijatović, s. r.

Ministarstvo za odgoj i obrazovanje Kantona Sarajevo

PROGRAM

SUFINANSIRANJA TROŠKOVA PRODUŽENOG BORAVKA ZA UČENIKE OD PRVOG DO ČETVRTOG RAZREDA OSNOVNE ŠKOLE U OSNOVNIM ŠKOLAMA KAO JAVNIM USTANOVAMA NA PODRUČJU KANTONA SARAJEVO U ŠKOLSKOJ 2024/2025. GODINI

Osnov za donošenje, izvor finansiranja i nosioci realizacije Programa

1. U skladu sa čl. 46. stav (5) i stav (6) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24), (u daljem tekstu: Zakon), sačinjen je Program sufinansiranja troškova produženog boravka za učenike od prvog do četvrtog razreda osnovne škole u osnovnim školama kao javnim ustanovama na području Kantona Sarajevo (u daljem tekstu Program).
2. Za provedbu Programa u Budžetu Kantona Sarajevo za 2024. godinu odobrena su sredstva u iznosu od 1.120.000 KM.
3. Za realizaciju Programa zadužuje se Ministarstvo za odgoj i obrazovanje Kantona Sarajevo.

Cilj programa

Savremeni način života nameće roditeljima potrebu brige o djeci prije ili nakon redovne nastave dok su oni na poslu. Ulogu organizovanja brige za učenike tokom radnog dana u velikoj mjeri preuzimaju osnovne škole kao primarne odgojno-obrazovne institucije. Organizacija produženog boravka u osnovnim školama postala je opšti interes društvene zajednice kako djeca ne bi bila prepuštena sama sebi i kako bi se njihovo slobodno vrijeme organizovalo na kvalitetan način.

Produženi boravak je u Zakonu prepoznat kao poseban oblik odgojno obrazovnog rada. Naučna istraživanja i saznanja koja podupiru potrebu za programima produženog boravka u osnovnim školama uglavnom su zasnovani na oblastima obrazovne psihologije, sociologije, pedagogije i društvenih nauka. Studije pokazuju da produženi boravak može doprinijeti poboljšanju školskog uspjeha, jačanju ključnih kompetencija i pozitivnih odgojnih vrijednosti kod učenika.

Za učenike koji nastavu pohađaju prema individualno prilagođenom programu.

Programi produženog boravka u osnovnoj školi imaju ciljeve koji se odnose na učenička postignuća i dobrobit učenika.

Učenička postignuća

Programi produženog boravka pružaju podršku učenicima kroz dodatne časove, što može pomoći u unapređenju njihovih kompetencija. Nastavnik u programu produženog boravka često

pomaže učenicima pri izradi domaćih zadataka, što može poboljšati njihove ocjene i razumijevanje gradiva. Programi se često prilagođavaju potrebama učenika, omogućavajući individualizovano učenje i podršku onima koji se suočavaju sa školskim izazovima.

Aktivnosti izvan učionice, kao što su umjetničke i sportske aktivnosti, pružaju učenicima raznovrsno obrazovanje koje doprinosi njihovom cjelokupnom razvoju. Aktivnosti i podrška u produženom boravku mogu pomoći učenicima da razviju veću motivaciju za učenje i istraže svoje interese, što pozitivno utiče na njihov školski angažman.

Dobrobiti učenika

Programi produženog boravka pružaju siguran i ugodan prostor za djecu prije početka nastave i nakon završene nastave, što doprinosi njihovoj bezbjednosti i dobrobiti. Kroz interakciju s vršnjacima i odraslima, učenici razvijaju socijalne kompetencije i uče kako se bolje snalaziti u društvenim situacijama. Programi produženog boravka mogu, jačati pozitivne odgojne vrijednosti što doprinosi razvoju kvalitete života pojedinca i zajednice. Kroz postizanje ciljeva i stvaranje pozitivnih iskustava, učenici stiču samopouzdanje i razvijaju bolju samosvijest. Stvaranje pozitivnih odnosa s odraslima i vršnjacima u programu pruža emocionalnu podršku i doprinosi dobrobiti učenika. Aktivnosti fizičke prirode promovišu zdrav način života i doprinose fizičkom zdravlju učenika. Programi produženog boravka često promovišu inkluziju i razumijevanje različitosti, doprinoseći stvaranju inkluzivnog društva. Programi produženog boravka takođe mogu doprinijeti smanjenju problema ponašanja i delinkvencije među učenicima, pružajući im uređeno i nadgledano okruženje prije i nakon nastave. Kombinujući ove faktore, programi produženog boravka ciljaju na postizanje ravnoteže između školskog uspjeha i dobrobiti učenika kako bi podržali njihov sveukupni razvoj.

Ulaganje u produženi boravak učenika ima višestruke koristi koje se odražavaju na učenike, roditelje, škole i društvo u cjelini. Kao prvo razvoj i edukacija učenika, poboljšanje akademskih postignuća, produženi boravak omogućava dodatno vrijeme za učenje i obavljanje domaćih zadaća uz stručnu pomoć učitelja/voditelja, što može rezultirati boljim akademskim postignućima. Učenici imaju priliku učestvovati u dodatnim edukativnim aktivnostima koje proširuju njihova znanja i vještine. Kroz organizirane grupne aktivnosti i igre, učenici razvijaju socijalne vještine poput saradnje, komunikacije i rješavanja konflikata. Također, potiče se izgradnja prijateljstava i osjećaja zajedništva među učenicima. Kreativne radionice i aktivnosti omogućavaju učenicima da istražuju i razvijaju svoje talente u područjima kao što su umjetnost, muzika i sport, raznovrsni programi potiču maštu i kreativno razmišljanje.

Podrška roditeljima i porodicama

Produženi boravak omogućava roditeljima da rade ili obavljaju druge obveze, znajući da su njihova djeca na sigurnom i u poticajnom okruženju. Roditelji su manje pod stresom jer ne moraju žuriti s posla kako bi preuzeli djecu odmah nakon škole. Produženi boravak može biti jeftinija alternativa privatnim čuvanjima ili dodatnim aktivnostima koje roditelji inače moraju plaćati. Djeca iz porodica s nižim primanjima imaju pristup kvalitetnim programima koji im mogu pomoći u izjednačavanju obrazovnih šansi. Produženi boravak omogućava djeci iz svih socioekonomskih slojeva

pristup dodatnom obrazovanju i aktivnostima, smanjujući razlike u mogućnostima.

Kvalitetan produženi boravak može smanjiti rizik od negativnih ponašanja i problema u ponašanju kod djece, pružajući im strukturirano i nadzirano okruženje. Učenici, koji su u produženom boravku imaju manju vjerovatnoću za upadanje u probleme zbog nedostatka nadzora nakon škole. Produženi boravak omogućava optimalnu iskorisćenost školskih prostorija i resursa, koje bi inače bile neiskorištene nakon redovne nastave. Ulaganje u obrazovanje i brigu o djeci kroz produženi boravak doprinosi općem povećanju kvalitete života u zajednici. Edukativno i emocionalno dobrobit djece dugoročno doprinosi stvaranju zdravije i obrazovnije populacije.

Ulaganje u produženi boravak stoga nije samo ulaganje u trenutne potrebe učenika i roditelja, već i u dugoročni razvoj društva, smanjenje nejednakosti i osiguranje bolje budućnosti za sve članove zajednice.

Ciljna grupa

Program sufinansiranja troškova produženog boravka obuhvata učenike osnovnih škola od prvog do četvrtog razreda. Upis učenika u odgojne grupe će se obavljati u skladu sa Pedagoškim standardima i normativima za osnovni odgoj i obrazovanje i Pravilnikom kojim se reguliše organizacija rada produženog boravka koje donosi Ministarstvo.

Korisnici ovog Programa su porodice/djeca, državljani Bosne i Hercegovine, sa adresom stalnog boravka na području Kantona Sarajevo.

Za učenike koji nastavu pohađaju prema individualno prilagođenom programu ovim programom je predviđeno sufinansiranje svih troškova produženog boravka.

Okvirni broj korisnika sufinansiranja je oko 2000 djece/porodica.

Resursi za provođenje Programa

Za ovaj Program potrebno je obezbjediti sljedeće resurse:

- Obezbjedenje prostornih kapaciteta;
- Obezbjedenje nastavnika za rad u produženom boravku;
- Obezbjedenje edukacije za nastavnika koji rade u produženom boravku;
- Bruto plaće i naknade za osoblje koje realizuje program produženog boravka;
- Ishrana za korisnike produženog boravka;
- Ostali materijalni troškovi.

Način sufinansiranja Programa

Iz Budžeta Kantona Sarajevo finansirat će se slijedeći troškovi provedbe programa produženog boravka:

- Adaptacija i opremanje prostora za organizaciju produženog boravka;
- Bruto plaće i naknade troškova zaposlenih radnika u produženom boravku;
- Režijski troškovi i didaktički materijal i
- Dio troškova ishrane.

Roditelji učenika koji su korisnici programa produženog boravka snose dio troškova ishrane u fiksnom iznosu od 140,00 KM mjesečno u trajanju od devet mjeseci u školskoj 2024/2025. godini.

Produženi boravak za učenike koji nastavu pohađaju prema individualno prilagođenom programu sufinansiraju se svi troškovi boravka u produženom boravku.

Priprema za realizaciju Programa

Na osnovu iskazanih potreba i interesa roditelja, škola najkasnije do 30. septembra dostavlja Ministarstvu sljedeće podatke:

- Broj učenika prijavljenih za produženi boravak
- Broj planiranih odgojno obrazovnih grupa produženog boravka
- Broj angažovanih radnika u produženom boravku
- Visinu troškova ishrane po učeniku

Škola je obavezna provesti proceduru javne nabavke hrane za učenike u produženom boravku u skladu sa Zakonom o javnim nabavkama BiH ("Službeni glasnik BiH", broj 39/14, 59/22, 50/24) i Pravilnikom o ishrani učenika u osnovnim i srednjim školama Kantona Sarajevo ("Službene novine Kantona Sarajevo", broj 10/24).

Kontrola i praćenje izvršenja programa

Monitoring i kontrola realizacije ovog programa vršit će Ministarstvo i o tome sačiniti izvještaj koji će sadržavati sljedeće podatke:

1. Podaci o školama u kojima se organizuje produženi boravak
2. Podaci o broju djece koja pohađaju produženi boravak
3. Broj učenika koji nastavu pohađaju prema individualno prilagođenom programu a pohađaju produženi boravak
4. Broj formiranih grupa produženog boravka
5. Iznos ukupno planiranih i utrošenih sredstava za realizaciju Programa
6. Ispitivanje zadovoljstva roditelja kroz anketiranje koje će se izvršiti metodom slučajnog uzorka.

Broj 11-07-34-40976/24
03. septembra 2024. godine
Sarajevo

Ministrica
Naida Hota-Muminović, s. r.

Ministarstvo finansija Kantona Sarajevo

Na osnovu čl. 59. stav (4) Zakona o budžetima u Federaciji Bosne i Hercegovine ("Službene novine Federacije BiH", broj 102/13, 13/14, 8/15, 91/15, 102/15, 104/16, 5/18, 11/19, 99/19 i 25a/22) i čl. 17. stav (1) Zakona o izvršavanju Budžeta Kantona Sarajevo za 2024. godinu ("Službene novine Kantona Sarajevo", broj 55/23), po zahtjevu JU OŠ "Porodice ef. Ramić", ministar finansija donosi sljedeću

ODLUKU**O PRERASPODJELI SREDSTAVA U BUDŽETU
KANTONA SARAJEVO ZA 2024. GODINU ZA
BUDŽETSKOG KORISNIKA JU OŠ "PORODICE EF.
RAMIĆ"**

1. Odobrava se preraspodjela sredstava u Budžetu Kantona Sarajevo za 2024. godinu, sredstva u iznosu 23.000 KM u razdjelu 21020043 JU OŠ "Porodice ef. Ramić" i to:

Raz	Glava	Potrjed	Ekon.kod	Sub-analitika	Funkcija	OPIS	Iznos u KM	
21	02	0043	21020043			JU OŠ "Porodice ef. Ramić"		
						Sa ekonomskog koda (Izvor 10)		
21	02	0043	21020043	6134	091	Nabavka materijala i sitnog inventara	4.000	
21	02	0043	21020043	6139	091	Ugovorene i druge posebne usluge	4.000	
21	02	0043	21020043	8216	091	Rekonstrukcija i investiciono održavanje	15.000	
						Na ekonomski kod (Izvor 10)		
21	02	0043	21020043	6112	LBA0L4	091	Otpremine zbog odlaska u penziju	8.000
21	02	0043	21020043	8213	091	Nabavka opreme	15.000	

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-11-27938/24
17. jula 2024. godine
Sarajevo

Ministar
Dr. Afan Kalamujić, s. r.

Na osnovu čl. 59. stav (4) Zakona o budžetima u Federaciji Bosne i Hercegovine ("Službene novine Federacije BiH", broj 102/13, 13/14, 8/15, 91/15, 102/15, 104/16, 5/18, 11/19, 99/19 i 25a/22) i čl. 17. stav (1) Zakona o izvršavanju Budžeta Kantona Sarajevo za 2024. godinu ("Službene novine Kantona Sarajevo", broj 55/23), po zahtjevu JU OŠ "Zahid Baručija", ministar finansija donosi sljedeću

ODLUKU**O PRERASPODJELI SREDSTAVA U BUDŽETU
KANTONA SARAJEVO ZA 2024. GODINU ZA
BUDŽETSKOG KORISNIKA JU OŠ "ZAHID
BARUČIJA"**

1. Odobrava se preraspodjela sredstava u Budžetu Kantona Sarajevo za 2024. godinu, sredstva u iznosu 3.593 KM u razdjelu 21020040 JU OŠ "Zahid Baručija" i to:

Raz	Glava	Potrjed	Ekon.kod	Sub-analitika	Funkcija	OPIS	Iznos u KM	
21	02	0040	21020040			JU OŠ "Zahid Baručija"		
						Sa ekonomskog koda (Izvor 10)		
21	02	0040	21020040	6112	LBA0L8	091	Otpremine zbog odlaska u penziju	3.593
						Na ekonomski kod (Izvor 10)		
21	02	0040	21020040	6131	091	Putni troškovi	3.593	

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-11-28730-4/24
04. jula 2024. godine
Sarajevo

Ministar
Dr. Afan Kalamujić, s. r.

Na osnovu čl. 59. stav (4) Zakona o budžetima u Federaciji Bosne i Hercegovine ("Službene novine Federacije BiH", broj 102/13, 13/14, 8/15, 91/15, 102/15, 104/16, 5/18, 11/19, 99/19 i 25a/22) i čl. 17. stav (1) Zakona o izvršavanju Budžeta Kantona Sarajevo za 2024. godinu ("Službene novine Kantona Sarajevo", broj 55/23), po zahtjevu Kanton Sarajevo - Kantonalna uprava za inspeksijske poslove, ministar finansija donosi sljedeću

ODLUKU**O PRERASPODJELI SREDSTAVA U BUDŽETU
KANTONA SARAJEVO ZA 2024. GODINU ZA
BUDŽETSKOG KORISNIKA KANTON SARAJEVO -
KANTONALNA UPRAVA ZA INSPEKCIJSKE
POSLOVE**

1. Odobrava se preraspodjela sredstava u Budžetu Kantona Sarajevo za 2024. godinu, sredstva u iznosu 20.000 KM u razdjelu 11090001 Kanton Sarajevo - Kantonalna uprava za inspeksijske poslove i to:

Raz	Glava	Potrjed	Ekon.kod	Sub-analitika	Funkcija	OPIS	Iznos u KM
11	09	0001	11090001			Kanton Sarajevo - Kantonalna uprava za inspeksijske poslove	
						Sa ekonomskog koda (Izvor 10)	
11	09	0001	11090001	6133	013	Izdaci za komunikaciju i komunalne usluge	20.000
						Na ekonomski kod (Izvor 10)	
11	09	0001	11090001	6139	013	Ugovorene i druge posebne usluge	20.000